

Na osnovu člana 19. stav (2) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 255. sjednici, održanoj 11.02.2021. godine, donosi

**ODLUKU
O DAVANJU SAGLASNOSTI NA UPUTSTVO ZA ZAKLJUČENJE I IZVRŠENJE
UGOVORA O VANSUDSKOJ NAGODBI U 2021. GODINI**

I.

Vlada Federacije Bosne i Hercegovine daje saglasnost na Uputstvo za zaključenje i izvršenje ugovora o vansudskoj nagodbi u 2021. godini.

II.

Uputstvo iz tačke I. čini sastavni dio ove odluke.

III.

Ova odluka stupa na snagu danom donošenja i objavit će se u „Službenim novinama Federacije BiH“.

V. broj: 224 /2021
11.02.2021. godine
Sarajevo



Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 255. sjednici, održanoj 11.02.2021. godine, donosi

ZAKLJUČAK

1. Usvaja se Informacija o realizaciji vansudskih nagodbi za potraživanja prema Budžetu Federacije Bosne i Hercegovine po osnovu pravosnažnih i izvršnih sudskih odluka iz radnih odnosa sa prijedlogom zaključka za nastavak procesa vansudske nagodbe u 2021. godini i Prijedlogom odluke o davanju saglasnosti na Uputstvo za zaključenje i izvršenje ugovora o vansudskoj nagodbi u 2021. godini.

2. Usvaja se tekst Javnog poziva za zaključenje vansudske nagodbe u 2021. godini, tekst Zahtjeva za zaključenje vansudske nagodbe u 2021. godini, kao i tekstovi (ukupno 3) tipskih ugovora o vansudskoj nagodbi za izmirenje obaveza proizašlih iz radnih odnosa utvrđenih pravosnažnim i izvršnim sudskim odlukama prema zaposlenicima/penzionerima/njihovim nasljednicima i advokatskim kancelarijama-opunomoćenicima i to pod oznakama: „A“, „B“, i „C“.

3. Zadužuju se rukovodioci federalnih organa i institucija da u postupku vansudske nagodbe primjenjuju Uputstvo za zaključenje i izvršenje ugovora o vansudskoj nagodbi u 2021. godini kao i odredbe teksta Javnog poziva za zaključenje vansudske nagodbe u 2021. godini.

4. Ovlašćuju se rukovodioci federalnih organa i institucija da po zahtjevima za zaključenje vansudske nagodbe u 2021. godini, čijom provjerom je utvrđena opravdanost potraživanja, potpisuju odgovarajuće verzije tekstova tipskih ugovora o vansudskoj nagodbi za izmirenje obaveza proizašlih iz radnih odnosa utvrđenih pravosnažnim i izvršnim sudskim odlukama na način kako je propisano Uputstvom za zaključenje i izvršenje ugovora o vansudskoj nagodbi u 2021. godini.

5. Zadužuje se Generalni sekretarijat Vlade Federacije Bosne i Hercegovine da:

a) Dostavi rukovodiocima federalnih organa i institucija sljedeće dokumente: Javni poziv za zaključenje vansudske nagodbe u 2021. godini, Zahtjev za zaključenje vansudske nagodbe u 2021. godini, tekstove tipskih ugovora o vansudskoj nagodbi pod oznakama „A“, „B“ i „C“, Uputstvo za zaključenje i izvršenje ugovora o vansudskoj nagodbi u 2021. godini, te Odluku Vlade Federacije Bosne i Hercegovine o davanju saglasnosti na Uputstvo za zaključenje i izvršenje ugovora o vansudskoj nagodbi u 2021. godini.

b) Objavi u najmanje četiri (4) dnevna lista Javni poziv za zaključenje vansudske nagodbe u 2021. godini.

6. Zadužuje se Ured Vlade Federacije Bosne i Hercegovine za odnose s javnošću da na web stranici Vlade FBiH objavi:

- Javni poziv za zaključenje vansudske nagodbe u 2021. godini
- Zahtjev za zaključenje vansudske nagodbe u 2021. godini
- tekstove tipskih ugovora o vansudskoj nagodbi pod oznakama „A“, „B“ i „C“
- Uputstvo za zaključenje i izvršenje ugovora o vansudskoj nagodbi u 2021. godini.

7. Zadužuje se Federalno ministarstvo finansija da zaprima mjesečne izvještaje institucija i organa Federacije Bosne i Hercegovine o realizaciji vansudske nagodbe te u direktnom kontaktu sa njihovim rukovodiocima kad god se steknu uslovi pripremi i Vladi Federacije Bosne i Hercegovine dostavi na razmatranje odluke o preraspodjeli sredstava u korist onih organa i institucija Federacije Bosne i Hercegovine kojima ta sredstva nedostaju, a zbog iskazanog većeg interesa za potpisivanje ugovora o vansudskoj nagodbi.

8. Zadužuju se rukovodioci federalnih organa i institucija da Federalnom ministarstvu finansija i Uredu premijera Federacije Bosne i Hercegovine dostavljaju mjesečne izvještaje o realizaciji vansudske nagodbe u skladu sa uputama iz Uputstva za zaključenje i izvršenje ugovora o vansudskoj nagodbi u 2021. godini.

9. Zadužuje se Ured premijera Federacije Bosne i Hercegovine da imenuje ovlašteno lice za davanje pojašnjenja, mišljenja i slično federalnim organima i institucijama u vezi sa primjenom Uputstva za zaključenje i izvršenje ugovora o vansudskoj nagodbi u 2021. godini.

10. Ovaj zaključak stupa na snagu danom donošenja.

V. broj: 223 /2021
11.02.2021. godine
Sarajevo



JAVNI POZIV ZA ZAKLJUČENJE VANSUDSKE NAGODBE U 2021. GODINI

1. Vlada Federacije Bosne i Hercegovine poziva zainteresirane uposlenike u organima i institucijama Federacije Bosne i Hercegovine, odnosno umirovljenike kao i njihove nasljednike, i advokatske kancelarije-punomoćnike na dobrovoljno zaključenje ugovora o vansudskoj nagodbi za izmirenje potraživanja koje imaju prema Budžetu Federacije Bosne i Hercegovine, utvrđenim pravosnažnim i izvršnim sudskim odlukama iz oblasti radnih odnosa. Ovaj javni poziv se raspisuje za period od objavljivanja u dnevnim novinama do 31.12.2021. godine.

2. Sredstva za finansiranje potraživanja iz radnih odnosa po osnovu zaključenja ugovora o vansudskoj nagodbi predviđena su u Budžetu Federacije BiH za 2021.g., a ista će biti isplaćena po redosljedu prijema validno popunjenih i potpisanih zahtjeva za zaključenje ugovora o vansudskoj nagodbi sa pripadajućom dokumentacijom (vidi dole) ukoliko se u postupku provjere od strane nadležnih institucija i organa Federacije Bosne i Hercegovine utvrdi da se radi o opravdanom, tj. osnovanom potraživanju i slijedom toga potpišu ugovori o vansudskoj nagodbi, sve u skladu sa propisanim procedurama i pravilima iz Uputstva za zaključenje i izvršenje ugovora o vansudskoj nagodbi u 2021. godini, usvojenog od strane Vlade Federacije Bosne i Hercegovine.

3. Predmet ugovora o vansudskoj nagodbi mogu biti samo sva (ukupna) potraživanja, dakle po svim pravosnažnim i izvršnim sudskim odlukama (presudama/rješenjima o izvršenju) iz radnih odnosa, koja tužitelj/traitelj izvršenja potražuje u momentu podnošenja zahtjeva, a čija je pravosnažnost i izvršnost utvrđena od strane nadležnog suda zaključno sa 31.10.2021. godine. Ugovor o vansudskoj nagodbi zaključuje se samo za isplatu potraživanja na ime osnovnog duga (glavnice, pripadajućih poreza i doprinosa, troškova parničnog i izvršnog postupka) uz bezuvjetno i trajno odricanje od naplate potraživanja po osnovu zakonskih zateznih kamata od strane podnosioca zahtjeva.

4. Zainteresirani uposlenici/umirovljenici i njihovi nasljednici kao i advokatske kancelarije-punomoćnici (tužitelji/traitelji izvršenja) iz tačke 1. ovog javnog poziva dužni su postupiti na slijedeći način:

- preuzeti sa web-stranice Vlade Federacije Bosne i Hercegovine tipski tekst Zahtjeva za zaključenje ugovora o vansudskoj nagodbi u 2021. godini i popuniti ga. Istovremeno, sa web-stranice Vlade Federacije Bosne i Hercegovine potrebno je preuzeti odgovarajuću verziju tipskog teksta ugovora o vansudskoj nagodbi, popuniti ga u skladu sa uputstvima navedenim u tekstu ugovora, potpisati ga u 4 (četiri) primjerka (odnosno 6 (šest) primjeraka u slučaju tipskog ugovora pod oznakom "C") i zajedno sa popunjenim naprijed navedenim zahtjevom predati na protokol (služba za prijem pošte) tuženog organa tj. institucije Federacije Bosne i Hercegovine, ujedno prilažući slijedeće dokumente:
 - kopiju/kopije svih (zaključno sa 31.10.2021. godine) pravosnažnih i izvršnih sudskih odluka tj. presuda sa prijedlogom za izvršenje, u 1 (jednom) primjerku,
 - ovjerenu fotokopiju lične karte podnosioca zahtjeva, bilo da se radi o uposleniku ili umirovljeniku ili nasljedniku, u 1 (jednom) primjerku,
 - punomoć za zastupanje, u slučaju da se na strani uposlenika ili umirovljenika ili njihovih nasljednika kao potpisnik ugovora o vansudskoj nagodbi pojavljuje punomoćnik (advokatska kancelarija ili treće lice), u 1 (jednom) primjerku,
 - rješenje o nasljeđivanju, u slučaju da se nasljednik/nasljednici uposlenika ili umirovljenika pojavljuju kao potpisnici ugovora o vansudskoj nagodbi, u 1 (jednom) primjerku,



- o potvrda nadležne advokatske komore, koja ne može biti starija od 3 (tri) mjeseca, kojom se potvrđuje validnost uvjerenja/rješenja o upisu advokata u imenik advokata, u slučaju da se advokat pojavljuje u svojstvu punomoćnika ili podnosioca zahtjeva za naplatu troškova parničnog i izvršnog postupka.

Tipski tekst zahtjeva za zaključenje vansudske nagodbe u 2021. godini i odgovarajuće verzije ugovora za zaključenje vansudske nagodbe mogu se preuzeti sa web stranice Vlade Federacije Bosne i Hercegovine (www.fbihvlada.gov.ba, naslov: VANSUDSKA NAGODBA). Samo oni zahtjevi koji se podnesu u roku na koji je raspisan ovaj javni poziv, koji se pravilno popune, te uz koje se dostavi naprijed navedena potpuna i validna dokumentacija zajedno sa pravilno popunjena i potpisana 4 (četiri) primjerka odgovarajuće verzije tipskog ugovora o vansudskoj nagodbi (odnosno 6 (šest) primjeraka u slučaju tipskog ugovora pod oznakom "C") bit će uzeti u razmatranje. Za sve dodatne informacije, potrebno je nazvati nadležnu službu tuženog organa ili institucije Federacije Bosne i Hercegovine.

Zahtjevi za zaključenje vansudske nagodbe koji su predati do 31.12.2020. g. i koji iz bilo kojih razloga nisu bili obrađeni se ne trebaju ponovo podnositi, a bit će prioritarno uzeti u postupak provjere prema redoslijedu predaje u odnosu na zahtjeve koji se podnesu nakon 31.12.2020. godine.

Vlada Federacije Bosne i Hercegovine



ZAHTJEV ZA ZAKLJUČENJE VANSUDSKE NAGODBE U 2021. GODINI

U skladu sa Javnim pozivom za zaključenje vansudske nagodbe u 2021. godini, kojeg je Vlada Federacije Bosne i Hercegovine objavila u dana dostavljam zahtjev za dobrovoljno zaključenje ugovora o vansudskoj nagodbi za izmirenje obaveza utvrđenih pravosnažnim i izvršnim sudskim odlukama iz radnih odnosa prema uposlenicima i umirovljenicima federalnih organa i institucija u svojstvu (zaokružiti):

- A) Tužitelja i tražitelja izvršenja u svojstvu uposlenika
- B) Tužitelja i tražitelja izvršenja u svojstvu umirovljenika
- C) Tužitelja i tražitelja izvršenja u svojstvu nasljednika (uposlenika/umirovljenika)
- D) Tražitelja izvršenja na ime troškova parničnog i izvršnog postupka u svojstvu advokatske kancelarije-punomoćnika
- E) Ovlaštenog punomoćnika:

a. Ime i prezime zastupanog tužitelja i tražitelja izvršenja:
.....

u svojstvu (zaokružiti): a) uposlenika, b) umirovljenika, c) nasljednika

Naziv i adresa tuženog organa/institucije FBiH tj. dužnika/izvršenika (navesti):

.....
.....

Zajedno sa ovim zahtjevom dostavljam potpisan Ugovor o vansudskoj nagodbi u 4 (četiri) primjeraka (odnosno 6 (šest) primjeraka u slučaju tipskog ugovora pod oznakom "C") kao i svu traženu dokumentaciju kako je navedeno u javnom pozivu za zaključenje vansudske nagodbe u 2021. godini. Potpisom na ovaj zahtjev potvrđujem validnost istog kao i predate dokumentacije i prihvatam obavezu surađivati sa ovlaštenim licima tuženog organa/institucije Federacije Bosne i Hercegovine po svim pitanjima vezanim za zaključenje i izvršenje ugovora o vansudskoj nagodbi.

Ime i prezime podnosioca zahtjeva:

Adresa podnosioca zahtjeva:

Kontakt telefon:

Svojeručni potpis podnosioca zahtjeva:
.....

Datum predaje zahtjeva:



TEKST TIPSKOG UGOVORA POD OZNAKOM "A"

UGOVOR O VANSUDSKOJ NAGODBI U 2021. GODINI ZA IZMIRENJE OBAVEZA PROIZAŠLIH IZ RADNIH ODNOSA UTVRĐENIH PRAVOSNAŽNIM I IZVRŠNIM SUDSKIM ODLUKAMA PREMA UPOSLENICIMA I UMIROVLJENICIMA FEDERALNIH ORGANA I INSTITUCIJA

ZAKLJUČEN DANA _____ GODINE, IZMEĐU:

1. (upisati puni naziv tuženog federalnog organa/institucije): _____
kao dužnika (izvršenika) kojeg zastupa (upisati ime i prezime ovlaštene osobe za zastupanje):
_____ (u daljem tekstu "prva ugovorna strana"),
2. (upisati puno ime i prezime tužitelja/tražitelja izvršenja): _____
u svojstvu (zaokružiti): a) uposlenika, b) umirovljenika, c) nasljednika uposlenika, d) nasljednika umirovljenika, e) ovlaštenog punomoćnika uposlenika, ili umirovljenika, ili nasljednika uposlenika, ili nasljednika umirovljenika _____ (u daljem tekstu "druga ugovorna strana"),

Ovim ugovorom uređuje se način i rok izmirenja potraživanja na ime osnovnog duga (glavnica) bez iznosa po osnovu zakonskih zatezних kamata, te pripadajućih poreza i doprinosa proizašlih iz radnog odnosa i angažmana, utvrđenih pravosnažnim i izvršnim sudskim odlukama prema uposlenicima/umirovljenicima u federalnim organima i institucijama, kao i međusobni odnosi ugovornih strana, a prema uslovima propisanim Javnim pozivom za zaključenje vanskudske nagodbe u 2021. godini, kojeg je objavila Vlada Federacije Bosne i Hercegovine.

ČLAN 1.

(1) Ugovorne strane konstatuju da dug na osnovu pravosnažne/ih i izvršne/ih sudskih odluka:

- (a) Presude _____, suda u _____ broj: _____, od _____ i Rješenja o izvršenju _____, suda u _____ broj: _____, od _____ na ime duga iznosi: _____ KM, slovima _____
- (b) Presude _____, suda u _____ broj: _____, od _____ i Rješenja o izvršenju _____, suda u _____ broj: _____, od _____ na ime duga iznosi _____ KM, slovima _____
- (c) itd (navesti sve pravosnažne i izvršne presude i rješenja o izvršenju tužitelja/tražitelja izvršenja tj. druge ugovorne strane)

(2) Ukupan dug prve ugovorne strane za osnovno potraživanje na ime glavnice (bez iznosa po osnovu pripadajućih zakonskih zatezних kamata), utvrđen pravosnažnim i izvršnim sudskim odlukama iz stava (1) ovog člana ovog ugovora zaključno sa 31.10.2021. godine, za isplatu prema drugoj ugovornoj strani iznosi _____ KM, slovima _____.

(3) Ukupan dug prve ugovorne strane na ime poreza i doprinosa utvrđen pravosnažnim i izvršnim sudskim odlukama iz stava (1) ovog člana ovog ugovora zaključno sa 31.10.2021. godine, za isplatu prema nadležnim organima i institucijama iznosi _____ KM, slovima _____.

(4) Troškovi parničnog i troškovi izvršnog postupka i njima pripadajućih iznosa po osnovu zakonskih zatezних kamata koji su utvrđeni presudama i rješenjem o izvršenju iz stava (1) ovog člana ovog ugovora nisu predmet ovog ugovora i ugovorne strane su saglasne da iste nadalje potražuje i naplati advokatska kancelarija-punomoćnik druge ugovorne strane u izvršnom postupku ili putem dobrovoljne vanskudske nagodbe (ukoliko to isti već nije učinio).

ČLAN 2.



- (1) Ugovorne strane su saglasne da ukupan iznos duga na ime glavnice (bez pripadajućih iznosa po osnovu zakonskih zatezних kamata) iz člana 1. stav (2) ovog ugovora prva ugovorna strana isplati drugoj ugovornoj strani najkasnije u roku od 60 (šezdeset) dana, a koji rok teče od narednog dana od dana potpisivanja ovog ugovora od strane ugovornih strana, kao i iznos duga iz člana 1. stav (3) ovog ugovora na ime pripadajućih poreza i doprinosa prema nadležnim organima i institucijama.
- (2) Nakon konačne realizacije obaveza iz ovog ugovora, prva ugovorna strana će podnijeti nadležnom sudu prijedlog za obustavu izvršnog/ih postupka/postupaka u dijelu koji se odnosi na potraživanje po osnovu glavnice duga, pripadajućih poreza i doprinosa i zakonskih zatezних kamata proizašlih iz pravosnažnih i izvršnih sudskih odluka iz člana 1. ovog ugovora, a ne i na potraživanje na ime troškova parničnog i izvršnog postupka.

ČLAN 3.

Prva ugovorna strana se obavezuje da će ukupan iznos duga po osnovu glavnice (bez pripadajućih iznosa po osnovu zakonskih zatezних kamata) iz člana 1. stav (2) ovog ugovora, najkasnije u roku iz člana 2. ovog ugovora, uplatiti na transakcijski račun druge ugovorne strane, broj: _____ otvoren kod _____, a iznos duga iz člana 1. stav (3) ovog ugovora na ime pripadajućih poreza i doprinosa na odgovarajuće transakcijske račune nadležnih organa i institucija.

ČLAN 4.

Potpisivanjem ovog ugovora druga ugovorna strana se bezuvjetno i trajno odriče prava na potraživanje i isplatu zakonskih zatezних kamata na iznos osnovnog duga (glavnice) utvrđenim u pravosnažnim i izvršnim sudskim odlukama koje su predmet ovog ugovora, pod uvjetom da mu prva ugovorna strana isplati ukupan iznos osnovnog duga (glavnice) iz člana 1. stav (2) ovog ugovora u roku iz člana 2. ovog ugovora.

ČLAN 5.

- (1) Ukoliko prva ugovorna strana ne izvrši svoje obaveze na način i u roku određenom ovim ugovorom, druga ugovorna strana zadržava pravo da naplatu svojih potraživanja koja su predmet ovog ugovora, zajedno sa pripadajućim zakonskim zatezним kamatama, a u skladu sa pravosnažnom/im i izvršnom/im sudskom/im odlukom/odlukama iz člana 1. ovog ugovora realizuje u sudskom izvršnom postupku.
- (2) Potpisivanjem ovog ugovora, druga ugovorna strana se bezuvjetno i trajno odriče prava na pobijanje ovog ugovora iz bilo kojih razloga.
- (3) Druga ugovorna strana se potpisivanjem ovog ugovora bezuvjetno i trajno odriče svih potraživanja (glavnice i pripadajućeg iznosa po osnovu zatezних kamata) proizašlih iz radnog odnosa i angažmana, utvrđenih sudskim odlukama koje su postale pravosnažne i izvršne do dana stupanja na snagu ovog ugovora, a koje nisu predmet ovog ugovora (tj. nisu obuhvaćene članom 1. ovog ugovora).

ČLAN 6.

Ovaj ugovor stupa na snagu narednog dana od dana njegovog potpisivanja od strane svih ugovornih strana, pri čemu za prvu ugovornu stranu potpisuje rukovodilac federalnog organa/institucije, dok za drugu ugovornu stranu potpisuje (zaokružiti): a) uposlenik/umirovljenik, b) nasljednik uposlenika/umirovljenika uz priloženo rješenje o nasljeđivanju, ili c) advokat/treće lice-punomoćnik uz priloženu pisanu punomoć za potpisivanje ovog ugovora (za slučaj da preuzima radnje za drugu ugovornu stranu).

ČLAN 7.

Ovaj ugovor sačinjen je u četiri (4) istovjetna primjerka, od kojih obje ugovorne strane zadržavaju po dva (2) primjerka ugovora.

ZA PRVU UGOVORNU STRANU

ZA DRUGU UGOVORNU STRANU

TEKST TIPSKOG UGOVORA POD OZNAKOM "B"

UGOVOR O VANSUDSKOJ NAGODBI U 2021. GODINI ZA IZMIRENJE OBAVEZA PROIZAŠLIH IZ RADNIH ODNOSA UTVRĐENIH PRAVOSNAŽNIM I IZVRŠNIM SUDSKIM ODLUKAMA PREMA ADVOKATSKOJ KANCELARIJI – PUNOMOĆNIKU UPOSLENIKA ILI UMIROVLJENIKA U FEDERALNIM ORGANIMA I INSTITUCIJAMA

ZAKLJUČEN DANA _____ GODINE, IZMEĐU:

1. (upisati puni naziv tuženog federalnog organa/institucije): _____
kao dužnika (izvršenika) kojeg zastupa (upisati ime i prezime ovlaštene osobe za zastupanje):
_____ (u daljem tekstu "prva ugovorna strana"),
2. (upisati puni naziv advokatske kancelarije-punomoćnika): _____
kao punomoćnika/tražitelja izvršenja (u daljem tekstu "druga ugovorna strana").

Ovim ugovorom uređuje se način i rok izmirenja potraživanja u vidu dosuđenih troškova parničnog i izvršnog postupka bez njima pripadajućih iznosa po osnovu zakonskih zatezних kamata utvrđenih pravosnažnim i izvršnim sudskim odlukama prema advokatskoj kancelariji-punomoćniku uposlenika/umirovljenika federalnih organa i institucija, kao i međusobni odnosi ugovornih strana, a prema uslovima propisanim Javnim pozivom za zaključenje vansudske nagodbe u 2021. godini, kojeg je objavila Vlada Federacije Bosne i Hercegovine.

ČLAN 1.

- (1) Ugovorne strane konstatuju da dug na osnovu pravosnažne/ih i izvršne/ih sudskih odluka:
 - (a) Presude _____ suda u _____, broj: _____, od _____ i Rješenja o izvršenju _____ suda u _____, broj: _____, od _____ na ime troškova parničnog i izvršnog postupka, iznosi _____ KM, slovima _____
 - (b) Presude _____ suda u _____, broj: _____, od _____ i Rješenja o izvršenju _____ suda u _____, broj: _____, od _____ na ime troškova parničnog i izvršnog postupka, iznosi _____ KM, slovima _____
 - (c) itd (navesti sve pravosnažne i izvršne presude i rješenja o izvršenju po kojima druga ugovorna strana potražuje troškove postupka, zaključno sa 31.10.2021. godine)
- (2) Ukupan dug prve ugovorne strane za potraživanja na ime troškova parničnog i izvršnog postupka bez njima pripadajućih iznosa po osnovu zakonskih zatezних kamata na osnovu pravosnažnih i izvršnih sudskih odluka iz stava (1) ovog člana ovog ugovora zaključno sa 31.10.2021. godine, za isplatu prema drugoj ugovornoj strani iznosi _____ KM, slovima _____;
- (3) Osnovno potraživanje (glavnica), njemu pripadajući iznosi na ime zakonskih zatezних kamata kao i potraživanje na ime pripadajućih poreza i doprinosa, koje je utvrđeno pravosnažnim i izvršnim sudskim odlukama iz stava (1) ovog člana ovog ugovora, nisu predmet ovog ugovora.

ČLAN 2.

- (1) Ugovorne strane su saglasne da ukupan iznos duga iz člana 1. stav (2) ovog ugovora prva ugovorna strana isplati drugoj ugovornoj strani najkasnije u roku od 60 (šezdeset) dana, a koji rok teče od narednog dana od dana potpisivanja ovog ugovora od strane ugovornih strana.
- (2) Nakon konačne realizacije obaveza iz ovog ugovora, prva ugovorna strana će podnijeti nadležnom sudu prijedlog za obustavu izvršnog/ih postupka/postupaka u dijelu koji se odnosi na troškove parničnog i izvršnog postupka i njima pripadajućih iznosa na ime zakonskih zatezних kamata po osnovu pravosnažnih i izvršnih sudskih odluka koje su predmet ovog ugovora.



ČLAN 3.

Prva ugovorna strana se obavezuje da će ukupan iznos duga iz člana 1. stav (2) ovog ugovora, najkasnije u roku iz člana 2. ovog ugovora, uplatiti na transakcijski račun druge ugovorne strane, broj: _____ otvoren kod _____.

ČLAN 4.

Potpisivanjem ovog ugovora druga ugovorna strana se bezuvjetno i trajno odriče prava na potraživanje i isplatu zakonskih zatezних kamata na dosuđene iznose troškova parničnog i izvršnog postupka po pravosnažnim i izvršnim sudskim odlukama koje su predmet ovog ugovora, pod uvjetom da joj prva ugovorna strana isplati osnovni dug, tj. glavnicu duga na ime troškova parničnog i izvršnog postupka iz člana 1. stav (2) ovog ugovora, a u roku iz člana 2. ovog ugovora.

ČLAN 5.

- (1) Ukoliko prva ugovorna strana ne izvrši svoje obaveze na način i u roku određenom ovim ugovorom, druga ugovorna strana zadržava pravo da naplatu svojih potraživanja koja su predmet ovog ugovora, zajedno sa pripadajućim zakonskim zatezним kamatama, a u skladu sa pravosnažnom/im i izvršnom/im sudskom/im odlukom/odlukama iz člana 1. ovog ugovora realizuje u sudskom izvršnom postupku.
- (2) Potpisivanjem ovog ugovora, druga ugovorna strana se bezuvjetno i trajno odriče prava na pobijanje ovog ugovora iz bilo kojeg razloga.
- (3) Druga ugovorna strana se potpisivanjem ovog ugovora odriče svih potraživanja (glavnice i pripadajućeg iznosa po osnovu zatezних kamata) proizašlih iz radnog odnosa i angažmana, utvrđenih sudskim odlukama koje su postale pravosnažne i izvršne do dana stupanja na snagu ovog ugovora, a koje nisu predmet ovog ugovora (tj. nisu obuhvaćene članom 1. ovog ugovora).

ČLAN 6.

Ovaj ugovor stupa na snagu narednog dana od dana njegovog potpisivanja od strane obje ugovorne strane, pri čemu za prvu ugovornu stranu potpisuje rukovodilac federalnog organa/institucije, dok za drugu ugovornu stranu potpisuje ovlašteni predstavnik advokatske kancelarije – punomoćnik uposlenika/umirovljenika federalnog organa i institucije, a koji je preduzimao pravne radnje u parničnom i izvršnom postupku po pravosnažnim i izvršnim sudskim odlukama koje su predmet ovog ugovora.

ČLAN 7.

Ovaj ugovor sačinjen je u četiri (4) istovjetna primjerka, od kojih obje ugovorne strane zadržavaju po dva (2) primjerka ugovora.

ZA PRVU UGOVORNU STRANU

ZA DRUGU UGOVORNU STRANU



TEKST TIPSKOG UGOVORA POD OZNAKOM "C"

UGOVOR O VANSUDSKOJ NAGODBI U 2021. GODINI ZA IZMIRENJE OBAVEZA PROIZAŠLIH IZ RADNIH ODNOSA UTVRĐENIH PRAVOSNAŽNIM I IZVRŠNIM SUDSKIM ODLUKAMA PREMA UPOSLENICIMA, UMIROVLJENICIMA FEDERALNIH ORGANA I INSTITUCIJA I ADVOKATSKIM KANCELARIJAMA - PUNOMOĆNICIMA

ZAKLJUČEN DANA _____ GODINE, IZMEĐU:

1. (upisati puni naziv tuženog federalnog organa/institucije): _____ kao dužnika (izvršenika) kojeg zastupa (upisati ime i prezime ovlaštene osobe za zastupanje): _____ (u daljem tekstu "prva ugovorna strana"),
2. (upisati puno ime i prezime tužitelja/tražitelja izvršenja): _____ u svojstvu (zaokružiti): a) uposlenika, b) umirovljenika, c) nasljednika uposlenika, d) nasljednika umirovljenika, e) ovlaštenog punomoćnika uposlenika, ili umirovljenika, ili nasljednika uposlenika, ili nasljednika umirovljenika _____ (u daljem tekstu "druga ugovorna strana"),
3. (upisati puni naziv advokatske kancelarije-punomoćnika/tražitelja izvršenja): _____ kojem su dosuđena potraživanja na ime troškova sudskog parničnog i izvršnog postupka vođenog radi naplate potraživanja druge ugovorne strane/tužitelja/tražitelja izvršenja (u daljem tekstu "treća ugovorna strana").

Ovim ugovorom uređuje se način i rok izmirenja potraživanja na ime osnovnog duga (glavnica) bez iznosa po osnovu zakonskih zatezних kamata, te pripadajućih poreza i doprinosa proizašlih iz radnog odnosa i angažmana, utvrđenih pravosnažnim i izvršnim sudskim odlukama prema uposlenicima/umirovljenicima u federalnim organima i institucijama, te dosuđena potraživanja na ime troškova sudskog parničnog i izvršnog postupka bez njima pripadajućih iznosa po osnovu zakonskih zatezних kamata, vođenog od strane treće ugovorne strane radi naplate potraživanja druge ugovorne strane, kao i međusobni odnosi ugovornih strana, a prema uslovima propisanim Javnim pozivom za zaključenje vansudske nagodbe u 2021. godini, kojeg je objavila Vlada Federacije Bosne i Hercegovine.


ČLAN 1.

(1) Ugovorne strane konstatuju da dug na osnovu pravosnažne/ih i izvršne/ih sudskih odluka:

- (a) Presude _____, suda u _____ broj: _____, od _____ i Rješenja o izvršenju _____, suda u _____ broj: _____, od _____ dug na ime glavnice duga, pripadajućih poreza i doprinosa i troškova parničnog i izvršnog postupka iznosi: _____ KM, slovima _____
- (b) Presude _____, suda u _____ broj: _____, od _____ i Rješenja o izvršenju _____, suda u _____ broj: _____, od _____ dug na ime glavnice duga, pripadajućih poreza i doprinosa i troškova parničnog i izvršnog postupka iznosi: _____ KM, slovima _____
- (c) itd (navesti sve pravosnažne i izvršne presude i rješenja o izvršenju kojim se traži isplata odgovarajućeg potraživanja od strane druge i treće ugovorne strane)

(2) Ukupan dug prve ugovorne strane za osnovno potraživanje na ime glavnica (bez iznosa po osnovu pripadajućih zakonskih zatezних kamata), utvrđen pravosnažnim i izvršnim sudskim odlukama iz stave (1) ovog člana ovog ugovora zaključno sa 31.10.2021. godine, za isplatu prema drugoj ugovornoj strani iznosi: _____ KM, slovima _____.

(3) Ukupan dug prve ugovorne strane na ime poreza i doprinosa utvrđen pravosnažnim i izvršnim sudskim odlukama iz stava (1) ovog člana ovog ugovora zaključno sa 31.10.2021. godine, za isplatu prema



nadležnim organima i institucijama iznosi: _____ KM, slovima _____.

- (4) Ukupan dug prve ugovorne strane na ime troškova parničnog i izvršnog postupka bez njima pripadajućih iznosa po osnovu zakonskih zatezних kamata na osnovu pravosnažnih i izvršnih sudskih odluka iz stava (1) ovog člana ovog ugovora zaključno sa 31.10.2021. godine, za isplatu prema trećoj ugovornoj strani iznosi: _____ KM, slovima _____.

ČLAN 2.

- (1) Ugovorne strane su saglasne da ukupne iznose dugova iz člana 1. ovog ugovora prva ugovorna strana isplati drugoj i trećoj ugovornoj strani najkasnije u roku od 60 (šezdeset) dana, a koji rok teče od narednog dana od dana potpisivanja ovog ugovora od strane ugovornih strana, kao i iznos duga na ime pripadajućih poreza i doprinosa prema nadležnim organima i institucijama.
- (2) Nakon konačne realizacije obaveza iz ovog ugovora, prva ugovorna strana će podnijeti nadležnom sudu prijedlog za obustavu u cjelosti sudskog/ih izvršnog/ih postupka/postupaka koji su pokrenuti po osnovu pravosnažnih i izvršnih sudskih odluka koje su predmet ovog ugovora.

ČLAN 3.

- (1) Prva ugovorna strana se obavezuje da će ukupan iznos duga po osnovu glavnice (bez pripadajućih iznosa po osnovu zakonskih zatezних kamata) iz člana 1. stav (2) ovog ugovora, najkasnije u roku iz člana 2. ovog ugovora, uplatiti na transakcijski račun druge ugovorne strane, broj: _____ otvoren kod _____, a iznos duga iz člana 1. stav (3) ovog ugovora na ime pripadajućih poreza i doprinosa na odgovarajuće transakcijske račune nadležnih organa i institucija.
- (2) Prva ugovorna strana se obavezuje da će ukupan iznos duga na ime troškova parničnog i izvrš te s njima u vezi troškova sudskog parničnog i izvršnog postupka nog postupka bez njima pripadajućih iznosa po osnovu zakonskih zatezних kamata iz člana 1. stav (4) ovog ugovora, najkasnije u roku iz člana 2. ovog ugovora uplatiti na transakcijski račun treće ugovorne strane, broj: _____, otvoren kod _____.

ČLAN 4.

Potpisivanjem ovog ugovora druga i treća ugovorna strana se bezuvjetno i trajno odriču prava na potraživanje i isplatu zakonskih zatezних kamata na iznos osnovnog duga utvrđen u pravosnažnim i izvršnim sudskim odlukama koje su predmet ovog ugovora, pod uvjetom da im prva ugovorna strana isplati ukupan iznos potraživanja iz člana 1. stavova (2), (3) i (4) ovog ugovora u roku iz člana 2. ovog ugovora.

ČLAN 5.

- (1) Ukoliko prva ugovorna strana ne izvrši svoje obaveze na način i u roku određenom ovim ugovorom, druga i treća ugovorna strana zadržavaju pravo da naplatu svojih potraživanja koja su predmet ovog ugovora, zajedno sa pripadajućim zakonskim zatezним kamatama, a u skladu sa pravosnažnom/im i izvršnom/im sudskom/im odlukom/odlukama iz člana 1. ovog ugovora realizuje u sudskom izvršnom postupku.
- (2) Potpisivanjem ovog ugovora, druga i treća ugovorna strana se bezuvjetno i trajno odriču prava na pobijanje ovog ugovora iz bilo kojih razloga.
- (3) Druga i treća ugovorna strana se potpisivanjem ovog ugovora bezuvjetno i trajno odriču svih potraživanja (glavnice i pripadajućeg iznosa po osnovu zatezних kamata, te troškova parničnog i izvršnog postupka i pripadajućeg iznosa po osnovu zatezних kamata) proizašlih iz radnog odnosa i angažmana, utvrđenih sudskim odlukama koje su postale pravosnažne i izvršne do dana stupanja na snagu ovog ugovora, a koje nisu predmet ovog ugovora (tj. nisu obuhvaćene članom 1. ovog ugovora).



- (4) Potpisivanjem ovog ugovora, druga i treća ugovorna strana se bezuvjetno i trajno odriču svojih potraživanja za ukupne iznose dugova (glavnica duga i pripadajući iznos po osnovu zateznih kamata, te troškova sudskog parničnog i izvršnog postupka) utvrđenih po svim pravosnažnim i izvršnim sudskim odlukama zaključno sa 31.10.2021. godine proizašlih iz radnog odnosa i angažmana, a nisu predmet ovog ugovora.

ČLAN 6.

Ovaj ugovor stupa na snagu narednog dana od dana njegovog potpisivanja od strane sve tri ugovorne strane, pri čemu za prvu ugovornu stranu potpisuje rukovodilac federalnog organa/institucije, dok za drugu ugovornu stranu potpisuje (zaokružiti): a) uposlenik/umirovljenik, b) nasljednik uposlenika/umirovljenika uz priloženo rješenje o nasljeđivanju, c) advokat/treće lice – punomoćnik uz priloženu pisanu punomoć za potpisivanje ovog ugovora (za slučaj da preduzima radnje za drugu ugovornu stranu), a za treću ugovornu stranu ovlašteni predstavnik advokatske kancelarije - punomoćnik.

ČLAN 7.

Ovaj ugovor sačinjen je u **šest (6)** istovjetnih primjeraka, od kojih svaka ugovorna strana zadržava po **dva (2)** primjerka ovog ugovora.

ZA PRVU UGOVORNU STRANU

ZA DRUGU UGOVORNU STRANU

ZA TREĆU UGOVORNU STRANU

